

ՄԵՎԱՆ ՀԱՄԱՅՆՔԻ ՂԵԿԱՎԱՐ ՍԱՐԳԻՍ ՄՈՒՐԱԴՅԱՆԻ ՈՒՂԵՐՁԸ
ՄԵԾ ԵՂԵՌՆԻ 110-ՐԴ ՏԱՐԵԼԻՑԻ ԱՌԹՎ

Հարգելի հայրենակիցներ

2025թվականի ապրիլի 24-ին մենք կրկին ոգեկոչում ենք Հայոց Մեծ եղեռնի զոհերի հիշատակը, նշում Ցեղասպանության 110-րդ տարելիցը, որը միաժամանակ խնկարկումի, միասնակության, պահանջատիրության օր է:

Հայ ժողովրդի նկատմամբ իրագործված ամենասարսափելի ոճրագործությունը իսկ 1.5մլն. հայի կյանք, հային դարձրեց տնավեր ու պանդուխտ, իսկ մեր ժողովրդի երագանքներն ու նպատակները, սակայն չկարողացավ իսկ հավատը, չկարողացավ սպանել մեր պատմական հիշողությունն ու հայ ժողովրդի ինքնությունը:

Հայ ժողովուրդն անցել է դժոխային ճանապարհ, սակայն ուժ է գտել ապրելու, պայքարելու: Դժոխքից մահապուրծ փրկվածները սփռվել են աշխարհով մեկ, վերնձյուղվել, գավակներ ունեցել, իրենց հավատով ապրեցրել հային:

Գլուխ խոնարհելով ցեղասպանության անմեղ զոհերի հիշատակի առաջ, ծաղիկներ խոնարհելով սրբադասված նահատակների հուշակոթողներին՝ ևս մեկ անգամ հաստատում ենք, որ այս բարդ ժամանակաշրջանում՝ լի մարտահրավերներով, առավել քան կարևորվում է համախմբվելու գաղափարը:

Գալիս ու գնում են սերունդները, սակայն հարափոփոխ երթի մեջ չի փոխվում մեր օրակարգը. ձեռքը դրած աշխարհի խղճի զարկերակին՝ թույլ չտալ նոր ցեղասպանությունների, անդադար հիշեցնել մարդկության դեմ գործած ոճրագործության մասին:

Աշխարհի առաջադեմ մարդկությունը և համայն հայությունը ոգեկոչում են Հայոց Ցեղասպանության անմեղ զոհերի հիշատակը, որը նաև վերահաստատում է մեր պատրաստակամությունը՝ շարունակելու պայքարը ցեղասպանությունների կանխարգելման, ցեղասպանության ենթարկված ժողովուրդների իրավունքների վերականգնման:

110 տարի անց էլ մեր չմարող հիշողությունը մեզ հետ է, և այդ հիշողությունը պահանջում է՝ Ապրիլի 24-ի խորհուրդը պետք է դառնա զգոնության կոչ՝ համախմբվելով բոլորիս համազգային արժեքների ու ինքնության շուրջ, միաժամանակ պետք է պայքարել, որպեսզի Հայոց Ցեղասպանությունն ստանա իրավական, քաղաքական և բարոյական գնահատական, որպեսզի չկրկնվեն ցեղասպանությունները:

Հայ ժողովուրդը երախտապարտ է այն պետություններին, միջազգային կազմակերպություններին, որոնք ճանաչել և դատապարտել են Հայոց ցեղասպանությունը՝ որպես մարդկության դեմ գործած ամենազագրեղի ոճրագործություն, և այսօր էլ շարունակում են այդ գործընթացը:

Օրը կրկին միավորել և բռնցքել է հայ ժողովրդին և առաջադեմ մարդկությանը, որոնք իրենց խոնարհումն ու խնկարկումն են բերում 1915թվականի սրբադասված զոհերի հիշատակին: Ապրիլի 24-ի խորհուրդն է՝ դառնալ առավել միասնական և համախմբված, շարունակել ճշմարտության և արդարության վերականգնման ուղին, կառուցել և հզորացնել մեր երկիրը՝ հանուն մեր նահատակների ու բոլոր ժամանակներում հերոսացած զավակների, ստեղծել արժանապատիվ ու արժանավայել ապագա, պաշտպանել մեր ինքնությունն ու իրավունքները՝ վերահաստատելով մեր ձգտումները, խաղաղ ու անվտանգ հայրենիք ունենալու արդարացի պահանջը, հայրենիք-պետություն կերտելու ազգային նպատակը դարձնելով կենսակերպ ու ամենօրյա աշխատանք: